

PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine («Službene novine Federacije BiH», broj: 49/06), člana 3. Zakona o budžetima u FBiH («Službene novine Federacija BiH», br.102/13, 9/14, 13/14, 8/15, 91/15 i 102/15.), člana 4. Zakona o finansijskom upravljanju i kontroli u javnom sektoru u FBiH («Službene novine Federacija BiH», br.38/16) i člana 24. Statuta Općine Gradačac («Sl. glasnik Općine Gradačac», broj: 4/08 i 5/12 i 1/17), Općinsko vijeće Gradačac, na __radnoj sjednici, održanoj dana _____godine, donosi

Odluku o izmjenama i dopunama

Odluke o kriterijima, načinu i postupku raspodjele sredstava iz Budžeta općine Gradačac za finansiranje/sufinansiranje/ kapitalnih programa/projekata mjesnih zajednica na području općine Gradačac („Službeni glasnik Općine Gradačac“, broj:3/2018)

Član 1.

U Odluci o kriterijima, načinu i postupku raspodjele sredstava iz Budžeta općine Gradačac za finansiranje/sufinansiranje/ kapitalnih programa/projekata mjesnih zajednica na području općine Gradačac u članu 2. Stav (1) tačka c) dodaje se nova alineja, koja glasi:

- sanacija i održavanje vjerskih objekata na području mjesne zajednice.

Član 2.

Član 10 stav (3)rečenica: “ Maksimalan iznos odobrenih sredstava, u slučaju da se projekat u 100% iznosu finansira iz Budžeta općine Gradačac iznosi 7.000,00 KM po korisniku.“ mijenja se i glasi:

„Maksimalan iznos odobrenih sredstava, u slučaju da se projekat u 100% iznosu finansira iz Budžeta općine Gradačac iznosi 10.000,00 KM po korisniku.“

Član 3.

Član 16. stav (2): „Najviše 20% odobrenih sredstva mogu se koristiti za finansiranje administrativnih i materijalnih troškova projekta, tj. za fotokopiranje, poštarinu, troškove banaka, nabavke kancelarijskog materijala (papir, olovke i sl.)“ mijenja se i glasi:

„ Najviše 5% odobrenih sredstva mogu se koristiti za finansiranje administrativnih i materijalnih troškova projekta, tj. za fotokopiranje, poštarinu, troškove banaka, nabavke kancelarijskog materijala (papir, olovke i sl.)“

Obrazloženje

Općinsko vijeće Gradačac je na 13-oj radnoj sjednici održanoj 5.4.2018. godine donijelo Odluku o kriterijima, načinu i postupku raspodjele sredstava iz Budžeta općine Gradačac za financiranje/sufinanciranje/ kapitalnih programa/projekata mjesnih zajednica na području općine Gradačac – „Službeni glasnik Općine Gradačac, broj:3/2018. „. Nakon usvajanja Odluke pristupilo se njenoj realizaciji tako da u toku 2018. godine su objavljena dva javna poziva, koja su uspješno realizovana.

Međutim, u toku same implementacije Odluke uočeni su neki nedostaci kao i pristigli zahtjevi sa terena za uvrštavanjem i drugih oblasti za financiranje, tako da su stvoreni uslovi da se ova Odluka stavi ponovo na razmatranje Općinskom vijeću radi njene dopune i izmjene.

U Gradačcu, 9.4.2019. godine

Općinski načelnik

mr.sc. Edis Dervišagić